

“Солиқчи - кўмакчи” тамойили асосида амалга оширилаётган ишлар юзасидан Фарғона шаҳар давлат солик инспекцияси бошлиғининг ҳисоботи

Joriy yil 13 sentyabr kuni O’zbekiston Respublikasi Prezidenti “Tadbirkorlik sub’ektlari faoliyatida tekshiruvlar o’tkazishni muvofiqlashtirish tartibini takomillashtirish chora-tadbirlari to’g’risida”gi PQ-374-sonli qarori imzolandi.

Nazorat qiluvchi organlar tomonidan 2022 yil 1 noyabrdan boshlab:

- tadbirkorlik sub’ektlari faoliyatida o’tkaziladigan barcha tekshiruvlar «Yagona davlat nazorati» axborot tizimida ro’yxatga olinadi. Bunda, tadbirkorlik sub’ektlari faoliyatida mazkur tizimda ro’yxatga olinmagan tekshiruvlarni o’tkazish noqonuniy hisoblanadi;
- tadbirkorlik sub’ektlari faoliyatida o’tkazilgan tekshiruvlarning natijalari hamda profilaktika tadbirlari to’g’risida ma’lumot tekshiruv yoki profilaktika tadbirlari tugagan kundan boshlab uch kun muddatda «Yagona davlat nazorati» axborot tizimiga kiritiladi.

Shu o’rinda tadbirkorlarni har tomonlama qo’llab-quvvatlash maqsadida **“Soliqchi-ko’makchi”** tamoyili asosida **Farg’ona shaxar davlat soliq inspeksiyasi** xodimlari tomonidan amalga oshirilayotgan ishlarga to’xtalib o’tmoqchiman.

Ayni paytda muntazam ravishda tadbirkorlar bilan turli ochiq muloqot va uchrashuvlar tashkil etilmoqda, muammolar o’rganilib ijobji hal etish choralar ko’rilmoxda. Shuningdek, tadbirkorlik faoliyatini amalga oshirish uchun muhim bo’lgan qator yo’nalishlarni belgilab olgan holda amaliy yordamlar ko’rsatilmoqda.

Xususan, 2022 yil noyabr oyi davomida Farg’ona shaxar davlat soliq inspeksiyasi tomonidan **398 ta** tadbirkorlik sub’ektlarini qiyinayotgan muammolari o’rganildi. Mazkur jarayon davomida ko’maklashish zarur bo’lgan **398 ta** tadbirkorlik sub’ektlariga dastlabki buxgalteriyasini yuritish, “E-Ijara” Dasturi orqali ijara shartnomalarini rasmiylashtirish, soliq idoralariga bog’liq boshqa masalalarda ko’maklashish, qulay soliq rejimini tanlash, soliq imtiyozlari va ularni qo’llash tartibini tushuntirish, ortiqcha QQS to’lovlarini qaytarish kabi masalalar yuzasidan amaliy yordamlar ko’rsatildi.

Biz, soliq idoralari xodimlari tadbirkorlar bilan hamkorlikda ishlashga, soliq qonunchiligiga oid zarur yordamlarni ko’rsatishga hamisha tayyormiz. Soliq tizimiga oid qo’shimcha savollar bo’lsa, ishonch telefonimizga (73-244-68-08) qo’ng’iroq qilishingiz mumkin. Murojaatingiz qisqa fursatlarda o’rganib chiqiladi va javob beriladi.

“Davlat soliq xizmati – insofli soliq to’lovchining ishonchli hamkori” tamoyili doirasida siz bilan hamkorlikka tayyormiz!

2022-12-05 14:43:27